

Biqray Panay

(Acts of Service)

Afifa Bashir

Cast of Characters

AIZA::

MAAZ::

ACT IScene 5

*Aiza and Maaz are sitting on the sofa, with divorce papers on the table. The kids are gone to bed. It's night time, 10pm.*

**AIZA:**

12 saal maaz. 12 saal. inn 12 saal ka yeh natija hay?  
in 12 saaloun ka rishta sirf aik mamooli si dastakht  
say khatam hojayegha?

*Maaz is silent, head down*

**AIZA:**

hamaray 11 saal kay chotay bachay hay Maaz. unka kia  
hogha? wo loug tou khuwaar hojayegaye hamari 12 saal  
ki kohtiyoun kay peechay. kia haam yeh chahtay thay?  
agar haam yehi chahtay thay tou hamnay inko janam hee  
kyun diya?

**MAAZ:**

Aiza mujhay kyun sunarahi huin? yeh faisla mera nahi  
hay. ham donoun ka hay? tab bhi aj haam yahan aik  
doosray kay sammay baith kar shayad akhri guftugu  
karahay hay is muzoon per.

**AIZA:**

yeh dekho.. suna nahi rahi huin maaz tumaye batarahi  
huin. tum kabhi tou meri sunliya karo?

**MAAZ:**

kab nahi suni Aiza tumari? tumari khushi kay liye kia  
kuch nahi kiya? har 6 mahinay may tumaye aik gold ka  
set banakar dayta tha. har occassion per chahayeh wo  
hamaray bachoun ka khatam-ul-quran ho ya kisi  
rishteydar ki shaadi,tumaye naye kapray banakar diye,  
sirf tumari khushi kay liye laqin kabhi tumnay yeh  
cheezain notice hee nahi ki. kabhi tumnay mujhay koi  
sa bhi tofa diya jho hamari yaad taza karay?

**AIZA:**

mujhay andaza nahi tha tumaye tofaye itnay pasand hay  
maaz.

**MAAZ:**

andaza nahi tha? andaza kaisay nahi tha aiza? kabhi  
tumnay pooch kar dekha? kabhi tumnay yeh izhar kia  
kay maaz tumaye kia pasand hay?

**AIZA:**

yeh baat nahi..

**MAAZ:**

baat tou yeh hay aiza kay kabhi tumnaye meri qadar  
 hee nahi aye.. aur aur tumnay in tofoun ko baas  
 riwayat samjh li thi nakay meray muhabbat kay jazbaat  
 sirf tumaray liye aiza.. sirf tumaray liye

**AIZA:**

qadar nahi aye maaz? yeh kehna baaqi rehgaya tha?

**MAAZ:**

tou aur kiya bo..

**AIZA:**

nahi rukjoe maaz. in 12 saaloun may ghardari kisnay nibhayi hay? masi ko dekhna, bachoun kay uniform ko stree karkay rakhnay, lunch banana, subah uth kar sab kay liye nashta banana phir raat ka khana aur ghar kay hazaroun aur kaam dekhna-iss sab ka kia maaz? kia tumaye yeh dikhayi nahi diya? tumari itni jurat kay tum yeh kehsaako kay mujhay tumari qadar nahi aye?  
 jakar chullu per pani may dhoob maro.

**MAAZ:**

aiza.. aiza meri baat suno..

**AIZA:**

kia sunu baat maaz? gilay shiqway tou meray paas bhi buhat hay maaz. kabhi koi aisa din nahi guzra maaz kay tumnay khud mujhay akar bola ho kay aiza tum thak gayi ho- aj may bachoun ko dekhlaytha huin. aj haam khana order karwalaytay hay. tum rest karo. konsa din tha yeh Maaz jab tumaye yeh kehna gawara huwa?

**MAAZ:**

aiza mujhay kabhi iss baat ka ehsaas nahi huwa hay  
 kay tumaye meri madad chahyeh? tum sab itna achay say karti thi kay mujhay laga koi masla nahi hay.

**AIZA:**

tumaye ehsaas nahi huwa? maaz tumaye wo din yaad hay  
 jab mera sar phat raha tha aur maynay tumaye kaha  
 maaz aj may roti nahi banasakunghi kyun meray andar  
 bilkul bhi himmat nahi.. tumaye pata hay tumnay  
 mujhay kia jawab diya?

**MAAZ:**

nahi mujhay yaad nahi parta..

**AIZA:**

tumnay kaha tha aiza do rotiyaan tou sirf banado phir  
 balay tum rest karlayna. aur mujhay kehtay ho kay  
 maynay kabhi tumari tofay daynay ki adat per gour  
 nahi kiya? aur mujhay qadar nahi aye? mujhay? aiza  
 jalal ko?

**MAAZ:**

aiza! thandi hojaoe.. aur yeh kehbhi diya tou kia  
 hogha? konsa qayamat akar tut pari?

**AIZA:**

soucha nahi tha kay tum iss qadar tak bayhiss  
 hosaktay ho.. tumaye apni, apnay kaam ki aur baas  
 bachoun ki figar lagi rehti hay maaz.. meri figar tou  
 kabhi thi nahi tumaye

**MAAZ:**

figar nahi thi? 2 saal pehlay jab tumaray baap kay  
 inteqaal per (Allah unko jannat naseeb karay) janazay  
 say lay kar chelum tak tumaray sath sath tha kay  
 tumaye yeh mehsoos na huway kay tum uss mauqay may  
 akeli ho. haar mushkil tumaray saath haath may haath  
 daalkar khara huin aur tumnay itni asaani say kehdiya  
 kay... kaay mujhay tumari figar nahi..?

**AIZA:**

(sobbing)

maaz.. maaz mujhay iss baat ka andeza hay laqin ab  
 may thaak gayi huin.. may thaak gayi huin roz roz  
 ghar ki chaakri kartay way.. 12 saaloun say sirf  
 bachoun ya shohar kay peechnay bhagrahi huin.. kho  
 baithi huin apni shahnakht aur kho baithi huin apna  
 wujood tumloug kay peechnay.. may gawahi dayti huin  
 iss baat ki kay tumnay zindagi kay har more per mera  
 sath diya hay laqin ussay barqar maynay tumara diya  
 tab bhi tum aik muqam tak pohanch paye ho..

**MAAZ:**

tou kia haam idher apni muhabbat tolnay baithay hay?

**AIZA:**

nahi maaz balkay haam aik aur baar dobara yeh  
 souchnay baithay hay kay kiye hamaye in kagzaat per  
 dastakht karni chahyeh? ya phir hamaye aik aur mouqa  
 dayna chahyeh?

**MAAZ:**

Aiza sach poocho tou yeh faisla tumara tha..

**AIZA:**

haan tha maaz! yeh faisla maynay koi jazbaat may akar  
 nahi kiya hay balkay souch samjh kar kiya hay..  
 tumaye ehsaas nahi hota maaz laqin tumari yeh adat  
 hay kay jab tum apnay office kay kaam may masroof  
 hojatay ho tum yeh bhol baithay ho kay tumaray biwi  
 bachay bhi hay... tum intehayi bayhiss aur khud garz  
 hojatay hokay tum ghar ki zimadari tou door ki baat  
 tum tou meri tarak ankh utha nahi dekhtay ho.

**MAAZ:**

aiza... ai..

**AIZA:**

naahi maaz aj agar baithay hay tou mujhay kehnay do..  
 agar tum bahir rozi kamanay jatay ho tou yahan usi  
 rozi say may yeh ghar chalati huin.. tou kia mera koi  
 haq nahi banta gila shiqway ka? iss makan ko.. iss  
 chaar dewaari ko maynay ghar banaya hay maaz. aur  
 maay jata nahi rahi huin tumaye iss baat ka ehsaas  
 dilrahi huin kay sirf tumara office ka kaam kaam nahi  
 balkay raat din jho may iss ghar ko dayti huin wo bhi  
 utna hee zaruri kaam hay.. farq baas itna hay maaz  
 kay tumaye paisay miltay hay aur mujhay paisay tou  
 door ki baat hay balkay do bol 'tumari madad kardu?'  
 wo bhi naseeb nahi hotay.

**MAAZ:**

kia chahti ho aiza? ghar may baith joen tumaray liye?  
 bahir na joe? paisay na kamoe? tumaye tankha daynay  
 shuru hojoun?

**AIZA:**

afsoos! sadh afsoos huwa yeh sun kar maaz. agar  
 tumaye apna paisoun per itna gamand hay hayna tou joe  
 rakhlo 100 naukar iss ghar may.. joe karlo 3 aur  
 shaadi aur chalalo ghar... aur aagr phir bhi ehsaas  
 na ho kay ghardari kaisay nibayi jati hay tou mujhay  
 iss baat per yaaqeen hojayegha kay maynay yeh 12 saal  
 sirf aik samjhota kia hay.. aur wo bhi aik aisay  
 shaqs kay saath jisko koi parwa nahi kay may maru ya  
 jeeyu!

**MAAZ:**

aiza.. itnay sakht bol apnay muun say maat nikalo..  
 dard hota hay mujhay meray paas bhi dil hay aur ussi  
 dil say tumaye bayinteha chahah hay.. mujhay ehsaas  
 hay tumara aur jho bhi tumnay meray liye kiya hay..  
 sach poocho tou aiza mujhay iss shadi ko aik aur  
 mauqa dayna hay.. aur aik mauqa bachoun ki khatir ya  
 in 12 saaloun ki khatir nahi balkay hamdonoun ki

khatir, hamaray uss 3 saal ki khatir jismay haam  
saanthvay asmaan per thay aur hamay aiza maaz aiza  
maaz kay ilawa kuch aur nahi dikhayi dayta tha. yeh  
samjhota nahi kiya meri jaan- muhabbat ki haam donoun  
nay aik doosray say.. aiza please aik aur moqa daykar  
tou dekho..

**AIZA:**

tumaye kia lagta hay maaz kiya mera dil udaas nahi  
hota hamari yeh halaat dekh kar? kia meri ankhoun may  
ansoun nahi ajataj jab may tumnay chorena ka souchti  
huin...mujhay bhi dayna hay iss shaadi k aik mauqa

**MAAZ:**

tou baas theek meri jaan.. may koshish karungha ab  
say kay jitna hosakay mujhay tumari sath ghardari  
nibhogha.. tumaray saath hath baotheongha ghar ki  
zimadari may..aiza may tumaray beghair nahi  
rehsakata.. may in bachoun ko tumaray beghair nahi  
paal sakta...

**AIZA:**

maybhi nahi karsakti tumaray beghair.. may bhi  
koshish karunghi kay tumaye kabhi yeh ehaas na ho kay  
mujhay tumari qadar ya fiqar nahi hay...

*Maaz tears the paper and they both hug each other.*